

BOSNA I HERCEGOVINA
Konkurencijsko vijeće



БОСНА И ХЕРЦЕГОВИНА
Конкуренцијски савјет

MIŠLJENJE

po zahtjevu privrednog subjekta „ASA TESTING CENTAR“ d.o.o. Sarajevo

**Sarajevo,
oktobar, 2022. godine**



Broj: 01-26-7-018-6/22
Sarajevo, 12.10.2022. godine

Konkurencijsko vijeće Bosne i Hercegovine, na osnovu člana 25. stav (1) tačka f) Zakona o konkurenciji („Službeni glasnik Bosne i Hercegovine“, broj 48/05, 76/07 i 80/09), a po Zahtjevu za mišljenje privrednog subjekta ASA TESTING CENTAR d.o.o. Sarajevo, Trg međunarodnog prijateljstva 25, 71 000 Sarajevo, Bosna i Hercegovina, na 110. (stotinudesetoj) sjednici održanoj dana 12.10.2022. godine, donijelo je

MIŠLJENJE

Privredni subjekat ASA TESTING CENTAR d.o.o. Sarajevo, Trg međunarodnog prijateljstva 25, 71 000 Sarajevo, Bosna i Hercegovina (u daljem tekstu: ASA TESTING CENTAR Sarajevo ili Podnosilac zahtjeva), podnio je Konkurencijskom vijeću Bosne i Hercegovine (u daljem tekstu: Konkurencijsko vijeće) Zahtjev za davanje mišljenja (u daljem tekstu: Zahtjev), zaprimljen dana 21.07.2022. godine pod brojem: 01-26-7-018-1/22.

Zahtjevom se traži mišljenje da li postoji obaveza podnošenja prijave koncentracije u smislu člana 12. stav (1) tačka c) Zakona o konkurenciji, tj. pripajanja privrednog subjekta TESTING CENTAR d.o.o., Trg međunarodnog prijateljstva 25, 71 000 Sarajevo, Bosna i Hercegovina (u daljem tekstu: TESTING CENTAR) privrednom subjektu ASA TESTING CENTAR Sarajevo.

Konkurencijsko vijeće je aktom broj: 01-26-7-018-2/22 od 23.08.2022. godine uputilo privrednom subjektu ASA TESTING CENTAR zahtjev za uplatu administrativne takse. Podnosilac zahtjeva je dana 01.09.2022. godine dostavio dokaz o uplati administrativne takse.

Dana 15.09.2022. godine, Konkurencijsko vijeće je uputilo privrednom subjektu ASA TESTING CENTAR Sarajevo zahtjev za dostavu podataka.

Podnosilac Zahtjeva navodi sljedeće:

- ASA TESTING CENTAR Sarajevo je u 100% vlasništvu privrednog subjekta ASA Invest d.o.o. Sarajevo.
- Privredni subjekat TESTING CENTAR je u 100% vlasništvu privrednog subjekta ASA TESTING CENTAR Sarajevo.
- Pretežne registrovane djelatnosti privrednih subjekata ASA TESTING CENTAR Sarajevo i TESTING CENTAR su tehnička ispitivanja i analize.
- Na osnovu Odluke o namjeri reorganizacije društva ASA TESTING CENTAR d.o.o. Sarajevo od 15.07.2022. godine, ASA TESTING CENTAR Sarajevo namjerava pripojiti „kćerku“ firmu TESTING CENTAR čiji je 100% vlasnik, čime će preuzeti njena prava i obaveze, a TESTING CENTAR će biti brisan iz sudskog registra.

- Nakon pripajanja ASA TESTING CENTAR Sarajevo neće mijenjati svoj pravni status, odnosno nastaviti će da posluje pod istom djelatnošću sa istim nazivom.
- Podnosilac zahtjeva je prije preuzimanja privrednog subjekta TESTING CENTAR uputio Prijavu koncentracije Konkurencijskom vijeću, te je donesen Zaključak broj: UP-02-26-1-038-5/20 od 22.12.2020. godine kojim je odbačena Prijava koncentracije u smislu člana 14. stav (1) Zakona o konkurenciji („Službeni glasnik Bosne i Hercegovine“, broj 48/05, 76/07 i 80/09) (u daljem tekstu: Zakon).
- Tržišni udio oba privredna subjekta u 2021. godini, nakon što je ASA TESTING CENTAR Sarajevo preuzeo 100% udjela u TESTING CENTRU, prema broju obavljenih tehničkih pregleda je iznosio (..)**1%, a tržišni udio obje firme prema broju stanica za tehnički pregled vozila je iznosio (..)**%. Dakle, iz navedenog slijedi da prema stanju tržišta u ukupnom rezultatu poslovanja obje firme nije ispunjen uslov za dominantan položaj na tržištu.

Konkurencijsko vijeće kao bitne za predmetni Zahtjev ističe odredbe člana 12. stav (1) i stav (2) Zakona, koje glase:

„ (1) Koncentracijom u smislu ovog Zakona, smatra se:

- a) spajanje ili pripajanje nezavisnih privrednih subjekata ili dijelova privrednih subjekata;
 - b) sticanje kontrole ili dominantnog uticaja jednog privrednog, odnosno više privrednih subjekata nad drugim, odnosno nad više drugih privrednih subjekata ili dijelom drugog privrednog subjekta, odnosno dijelovima drugih privrednih subjekata, i to:
 - 1) sticanjem kupovinom većine dionica ili učešća osnovnog kapitala; ili
 - 2) sticanjem većine prava glasa; ili
 - 3) na drugi način, u skladu s odredbama zakona koji regulišu osnivanje privrednih subjekata i njihovo upravljanje;
 - c) zajedničko ulaganje na dugoročnoj osnovi, dva ili više nezavisnih subjekata, koji djeluju kao nezavisan privredni subjekt.
- (2) Sticanje kontrole u smislu stava (1) ovog člana ostvaruje se putem prava, zaključivanjem sporazuma ili drugim sredstvima kojima jedan ili više privrednih subjekata, bilo posebno, bilo zajednički, uzimajući u obzir sve pravne i činjenične okolnosti, stiču mogućnost ostvarivanja dominantnog uticaja nad jednim ili više privrednih subjekata“.

Na osnovu navedenih odredbi, Konkurencijsko vijeće smatra da se u predmetnom slučaju ne radi o koncentraciji u smislu člana 12. Zakona, jer se ne radi o pripajanju dva nezavisna privredna subjekta budući da je privredni subjekat ASA TESTING CENTAR Sarajevo vlasnik 100% udjela u privrednom subjektu TESTING CENTAR i od ranije ima kontrolu nad istim.

Ovo mišljenje je dato isključivo na osnovu podataka navedenih u Zahtjevu, te ukoliko dati podaci odstupaju od stvarnog činjeničnog stanja, ovo mišljenje se ne može primijeniti.

Predsjednik

Nebojša Popić

¹ (..)** Podaci predstavljaju poslovnu tajnu, u smislu člana 38. Zakona o konkurenciji.